

桂平縣志

卷二  
卷二  
九四  
至

桂平縣志卷二十四

紀政

學制下

前卷所記爲開邑以來可攷之舊制更有新制起於清末光緒二十九年奏定學堂章程自辛亥改革國體政體既異於前故教育宗旨亦隨俗好尚雖未別纂專書而零星部令改易絃轍者已屬不少大約清世道藝兼崇中西互參形上不廢乎形下育民仍兼育才民國重藝而輕道揚西而抑中有形下而無形上貴育民而嗤育才育民之要在於人人自立人人自立則內無賴於家外無藉於政大勢趨於有平民而

桂平縣志卷二四

紀政 學制下

一

粵東編譯公司承印

無邦域其不同在此至於兩者孰爲得失則清制類於中庸民國學風徒言自立高矣美矣顧問其何以自立則舍物質技能無他術經訓不明心性不治而欲自立實以自危耳欲爲縷指須費千言編者方居羊石會東江戰起急於完印未暇及也今將二十年內邑中所籌設者纂曰學校種類曰桂平中學校始末曰各校學科曰畢業班數曰勸學所

學校種類

學校之設紀地內已略有叙述然但言建設年月猶未區別種類或存或廢俱未詳及故復載於此

邑中新學校萌芽於清光緒壬寅而後及科舉既廢繼起益

衆區以別之屬於普通教育者有正有預正者有中學師範兩等高等初等各小學預者有桂平中學預科蒙學各種屬於實業者有蠶業學堂女學附後

師範學堂以光緒丙午年設於潯陽書院兩年畢業後停止蠶業學堂創於宣統間民國停止兩等小學堂各鄉多有之後多改爲高等小學堂中學預備科自桂平中學成立後即停止民國改學堂稱學校蒙學改稱國民學舍今邑中所存者惟中學高初國民學校四種

中學校有二一爲桂平中學校名公立中學校設立在師範停止畢業之後詳後桂平中學設立原始始在潯陽書院後遷桂邑書院二城廂中

桂平志縣卷二四

紀政 學制下

二

粵東編譯公司承印

學校民國後設立以萬壽宮爲校舍議者以桂平爲首邑城內自本邑中學未立之先已有潯郡中學堂益以城廂所設則一城之內有三中學矣故立纔數年旋即停止而桂平中學校則爲永久之制

初邑中高等小學僅有一所始名桂平小學堂後改兩等再改高等自潯陽師範講習社諸生畢業後帥範講習社見紀地學校中業已設立始以桂邑

書院爲校舍宣統間遷潯陽書院與桂平中學對調後以城鄉高等小學先後成立於是全邑高等小學堂停止

各鄉高等小學校如永和軍陵趙里厚祿上都中都宣一吉一各里皆有設立別有白石山高等小學校爲上中下秀三

里分立自小學分區之令下有議以桂平東西南北四區各設高等小學一所者其事未果

初等小學及國民學校自城及鄉皆有設立清代有分區之令廂內分中東南西北五區各鄉以道相鉅五里爲一區民國改三里一區皆未實行蓋以鄉中村落疏密遠近不齊故區制宜於城而不宜於鄉夫泥古者不可以言治癖新者不審時地又豈足以言教育行政哉

### 附女學

清光緒丙午年城內有桂平女學堂越年有正則女學堂內分兩等教授其後復有女子師範學堂與正則女學堂同在一所鄉中由士

## 桂平縣志卷二四

紀政 學制下

三

粵東編譯公司承印

紳墊款設立者有軍陵里女學由地方公立者有趙里女

學軍陵里女學在潯放墟趙里女學在濛墟俱始光緒末年近俱停止惟宣一

里江口墟女學蹶然獨存

桂平中學校始末

高等小學以下有建築者已詳紀地其餘無建築而有設立之事實者不能盡記而中學爲一縣最高之教育其始末不可略也故特載之

設立原始 其始名桂平公立中學堂清光緒三十四年三月二十九日桂平縣令陳仲賓照會首邑學務公所紳董云案奉本府憲唐行開案據該縣勸學所總董程脩魯稟稱竊

紳自接辦勸學所事宜一切興學擴張辦法在在應稟請立案現查勸學所接管學務公所移交閤邑賓興租息係光緒三十一年冬間奉前署憲彭諭將閤邑賓興改爲首邑學務公所以賓興年中租息盡撥爲辦學之用由學務公所經管前所長陸紳顯書於三十二年稟明由公所撥欸借潯陽公學地方先行開辦桂平公立初級師範學堂收學生一班計五十五人定四學期畢業復於三十三年在勸學所後座房屋開辦桂平公立中學堂收學生一班計五十人每收學費二十元爲聘英文體操兩教員之用其餘各科及監督庶務各堂員皆各學堂教員及公所紳董兼任義務倘所收學費

不敷仍由勸學所支墊各節均經陸紳顯書稟明並冊報在案去臘初級師範學堂已經畢業紳集衆公議僉謂應停辦師範以前所撥辦師範之欸擴張中學紳查桂平地方實不少向學之士潯中學每招班桂平僅占額十四名三十二年經前署憲彭提桂平報國寺西竺寺等寺田產撥充潯中學堂經費廣桂平四名學額各縣不允爭論紛紛前憲呂接任詢悉原由卽令一其額而以所撥充潯中學之寺產盡還桂平並飭設法添欸自辦桂平公立中學各等因去年勸學所方以撥欸辦師範支絀復無校室可借祇得草草開辦未能擴張現當師範畢業停辦所有桂平中學添班業經招考共

收學生新舊共九十人擬仍借潯陽公學現成地方作桂平中學校舍校內課堂不敷並借文廟後殿暫作課堂至開辦費及常年經費計必需二千餘金現有由潯中學撥還桂平之寺產每年租息約銀六百二十餘兩係辦中學的欸復核計勸學所每年租息除完糧銀二百四十兩外亦存銀二千七百二十餘兩儘可撥一千七百兩歸桂平中學開銷而勸學所留出千兩加意樽節或堪敷衍中學既有寺租六百兩復由所內撥銀一千七百兩共有二千三百兩之數每學生並酌收學費銀一十四元以置儀器等項似此預算經費自不困難惟前年初開辦學務公所及師範學堂支銷頗鉅虧

空數百兩去年又派桂平墊潯中學經費亦由所內支去四百餘兩兩欸均從所內次年上期租項開支尙無從設法彌補耳計現接辦中學添足兩班畢業年期悉遵欽定章程如再能籌欸另行廣建校舍則隨時添班亦無停辦年限業經由勸學所妥撥銀一千七百兩並潯中學堂撥還桂平寺產所收租息銀六百二十餘兩概交堂內會計員經理並招取學生聘定教員於正月二十八日開學名爲桂平公立中學堂合將所辦各節詳細備由並勸學所中學堂經費預算表一本稟赴大人察核紳爲地方擴張學校起見如果有當卽懇恩准批示立案俾紳有所遵循實爲公便等情到府據此

當批據稟桂平初級師範學堂業經停辦該紳集議擬將前撥師範經費擴張公立中學添招學生延聘教員並征收學費提撥寺租及該所賓興餘款充作常年費用係爲推廣學務起見均屬可行至稱該學仍設潯郡公所地方校舍不敷并借府文廟後殿暫作課堂查巒宮乃閤郡崇祀究竟各紳是否認可應先公同商明以免後議仰卽遵照辦理並候飭行桂平縣知照表册存等因除批稟由印發外合就行知爲此行縣卽便遵照毋違此行等因奉此合就照會貴紳董請煩查照辦理其設立原始備見於此民國改名學校籌改薪章 桂平中學爲閤邑賓興所立歷年辦法無甚大

改民國三年閤邑賓興籌議改章其續訂章程第五章內第一第二節籌辦桂平學校章程今錄如下

一籌辦桂中學校查賓興公款自前清廢科舉後撥此款興辦桂平中學至民國元年經已畢業兩班共和國需材孔亟允宜賡續辦理以宏造就故桂中學校一切經費悉由賓興擔任其辦法約分數則如左 甲本校定名爲桂平賓興中學校凡升學招班教授管理各節與開學放假畢業時期悉遵教育部頒行通章辦理 乙全校學生遞年增補至多不過四班每班至多不過六十人以期量入爲出極力撙節每年不得過五千元 丙入校學生每

人每年仍須納學費銀一十四元分上下學期兩次繳交會計收理藉資彌補亦表自行東脩之意 丁賓興公產邑人捐資集合而成有股權方享權利倘學生先代祖父未曾捐資入賓興者仍須酌量身家補捐入冊以昭劃一未加捐前暫照通則第六條辦理 戊本校經費既由賓興欸項開支即爲賓興所立之學校故校長一席須由各里股權代表及有優先權者於每年例會時擇本邑合資格之賢俊投票選舉以得票最多者爲當選票同抽籤及票次候補等悉依選舉法之規定選定後由賓興總協理呈請管學官轉呈教育司給委任狀或有事故而中途辭

職以候補人員請委接充不得爭執 己校長薪金全年至多不過五百元其各教員與管理員薪脩多少由校長與賓興總協理酌奪合式送關每年除寒暑假外以十個月攤算按月照支 庚本校經費銀兩賓興值理亦按月預算交本校會計員支拂而會計員須將開支數目分別登載清冊月終併學生學費收入之數分別列表報告賓興值理每學期示一次俾供衆覽以昭坦白 辛本校開學時由賓興總協理值理將校中原有器具用品一一點明交庶務員管理逐年添置器用登冊管理亦如之年終閉校時由總協理值理按冊點明封入儲藏室着人看管

有毀朽者當場注銷有遺失者經手管理人負責任遞年輪流接管皆應如此辦法以重公物  
二賓興每年出息除辦理桂中學校及後列一切費用外有餘留爲公積以備建築桂中學校之用至高等學校以上之學及游學外國各津貼應俟桂中學校房舍告成及學制官制大定之後如有餘款再行提議分股酌給  
各校學科

中學科目 清分十二科一修身二讀經講經三中國文學四外國語東語英語或德語法語俄語五歷史六地理七算學八博物九物理及化學十法制及理財十一圖畫十二體操但法制理

桂平縣志卷二四

紀政 學制下

八

粵東編譯公司承印

財缺之亦可民國始加手工音樂清世中學已有廢讀經

高等小學科目 清分九科一修身二讀經講經三中國文學四算術五中國歷史六地理七格致八圖畫九體操視地方之情形尙可加授手工農業商業等科目但於豫備入中學之學生可毋庸加授凡加授之科目均作爲隨意科目民國加唱歌清世邑中高等小學俱有外國語實行教授農業添設家事科時存時廢

初等小學科目 清分八科一修身二讀經講經三中國文字四算術五歷史六地理七格致八體操此爲完全科學視地方之情形尙可加圖畫手工之一科目或二科目凡加授

之科目均作爲隨意科目民國將歷史地理編入國文不立專科

蒙養院科目 清制蒙養院保育之法在就兒童最易通曉之事情最所喜好之事物漸次啓發涵養之與初等小學之授以學科者迥然有別其保育教導之條目爲遊戲歌謠談話手技

以上學科祇略述大綱欲知其詳別有專書至於入學考試畢業年限及各校管理通則雖行或有依違而更變無常不能盡載  
各校畢業班數

桂平中學自成立至今經已畢業六班共得畢業生二百零九名各鄉小學自成立至今畢業班數人數太多此難悉錄  
勸學所

設立原始 先是光緒三十一年設潯州學務公所旋改爲桂平首邑學務公所三十二年十二月二十九日奉調署府正堂唐爾錕諭案奉署道憲龍札開案奉督辦學務處護理巡撫部院張札開現據派辦處呈案照光緒三十二年五月初五日奉撫憲札開光緒三十二年五月初二准學務咨本年四月二十日本部奏酌擬官制並歸併國子監事宜改定額缺一摺單二件又奏各省學務官制權限並勸學所章程

一摺單二件均奉旨依議欽此相應恭錄諭旨刊粘原奏清單各件咨行欽遵可也計冊二件等因准此除咨學務處查照暨行高等學堂外合亟札飭札到該處即將來原冊二件繕校刊刷各二百本呈由學務處頒發各屬一體遵照仍各繳呈二十本到院備案等因奉此查此項奉飭刊刷學部官制章程當經本處函請兩廣學務處代爲刷印去後現准廣東提學使司將前項學部官制及學務官制章程各二百本印就備文移送到署除每種提出二本存處備查並呈送撫憲衙門十本暨移兩司衙門各二本外其餘每種各一百八十四本應卽遵照札飭呈繳憲處酌核頒發除分別呈繳外

理合具文呈送憲處察核點收以憑頒發各屬一體遵照計呈學官制章程各一百八十四本等情據此查此案前准督部堂撫部院衙門咨行在案據呈前情合就檄爲此行道卽便轉飭遵照將所有學務公所一律照章改辦以昭劃一此行計發學部官制學務官制章程二本等因奉此合就轉行爲此行府即便轉飭遵照將所有學務公所一律照章改辦以昭劃一等因奉此合就諭飭爲此諭仰該紳即便一律照章改辦以昭劃一切切此諭 三十三年正月初七日奉諭案奉督辦學務處憲札開前據該府電稱查首邑學務公所府屬學務皆交其核議中學堂亦歸其管理事務較繁前請

刊發鈐記以爲徵信茲未奉刊發應否補發亦或暫由府刊發用文書潯州首邑學務公所鈐記一俟改定名目再行另刊是否之處乞電示遵等情到處當經本處電復各屬學務公所應照學部定章改爲勸學所章程已由本處通飭鈐記應候本處刊發印發在案查該府學務公所前稟請給關防業經本處於十月間刊成木質關防一顆給發在案茲照部章學務公所改爲勸學所該府應一律遵照辦理所有關防應由本處改刊給發本處現復刊就學字第一號木質鈐記文曰桂平縣勸學所鈐記合行札發札到該府即便轉發該所收執啓用具報並將前發潯州府學務公所之關防呈繳

本處核銷計發學字第一號木質鈐記一顆等用奉此合行諭發爲此諭仰該紳即便遵照迅將發來桂平縣勸學所鈐記一顆收領啓用具報並將前發之學務公所關防稟繳赴府以憑轉繳核銷毋延切切此諭計發學字第一號桂平勸學所木質鈐記一顆 是年二月初二日復奉諭知事案奉署道憲龍札開光緒三十二年十二月十九日奉廣西學務處電開提學使已抵任本處卽於十七日裁撤各屬稟報學務案件以後卽分別移稟提學司核辦速轉飭所屬及學堂一體遵照學務處效印等因奉此合就轉行爲此行府卽便轉飭所屬及各學堂一體遵照毋違等因奉此合就諭知爲

此諭仰該紳即便一體遵照毋違此諭勸學是爲所建設原  
始備見於此民國成立勸學所停止至近日復興  
章程大略 設所長一人勸學員若干人書記一人全年經  
費共銀一千三百八十六圓在伏馬費內由縣案月撥交查此欸係由舊  
日學租及屠牛捐兩項提撥 所長理縣內教育行政事宜每一學年週歷  
縣屬各區視察各學校一次或兩次所員分任各區勸學事  
務每一學期須週歷所任區域各學校視察二次以上任期  
所長三年所員二年餘詳勸學所規程施行細則此不備載